

Panis Evangelici Fragmenta Qvadragesimalia Tripartita

Ex sanctissimo Dei Verbo copiosé & sedulo collecta, Sanctorum Patrum,
variorumque Auctorum sententiis & conceptibus mirificè aucta; Et
Omnibus Quidem Anni Dominicis; præcipuè tamen singulis Quadragesimæ
Dominicis & Feriis per binas ad minus, sæpius denas aut septenas
Conciones fidi Populo ...

**Lingendes, Claude de
Coloniae Agrippinae, 1689**

In Dominicam In Albis.

Nutzungsbedingungen

[urn:nbn:de:hbz:466:1-56368](#)

DOMINICA IN ALBIS.



DOMINICA IN ALBIS,
C O N C I O
DE RESVRRECTIONE.

Religionem Christianam & virtutis cultum in Fide
Resurrectionis fundari.

Noli esse incredulus, sed fidelis. Ioan. 20.

DIFFICILE est statuere ac decide-re, utra duarum rerum plus juve-
rit ad nos in fide Resurrectionis
stabilendos, infidelitasne an fides
S. Thomæ. Nam ejus infidelitatem, pertina-
ciamque in minimè credendo profuisse no-
bis ad fidem, ediscimus ex S. Gregorio homil.
6. in Evang. Plus nobis Thomæ infide-
litas, ad fidem, quam fides credentium Disci-
pulorum profuit. Amplius aliquid Haymo
dicit; Plus nobis profuit dubitatio Thomæ,
quām certissima fides Mariæ: hanc enim
protervi homines suspectam dicerent: illam
ipſi adversarij, incorruptam judicarent: Aliunde vero dubitare nemo potest quin il-
lipsi fides confessioq; nobis plurimum pro-
fuerint: *Dominus meus, & Deus meus*: ne-
mo enim ante illum tam explicitè Christi di-
vinitatem fuerat confessus. Ad hęc cùm fi-
dei doctrinam ab Apostolis acceperimus illi
enim fuerunt Magistri nostri à S. Thoma
principiū Resurrectionis fidem accepimus.

Nam ex S. Augustino serm. 115. cùm Apo-
stoli ad prædicandum Dei Evangelium in to-
tum orbem dividendi essent, omnes fidei at-
ticulos in Symbolum contulere: sed cùm
singuli suos conferrent, D. Thomas pro sao,
illum contulit qui est de Christi Resurrec-
tione. Tertia die resurrexit à mortuis. Verū
propositam difficultatem sic dirimamus, ut
dicamus, ex S. Thomæ infidelitate simul ac
fide, majorem extitisse fidem nostram: ex
fide inquam ipsius, qnām infidelitas præce-
serat, & ex ejus infidelitate quam tanta fides
secura est: eò enim major fuit prædicantis
authoritas, & fides prædicationis, quò ma-
jor fuerat prædicantis infidelitas, & creden-
ti difficultas. Nam quis inimico non cre-
deret, ipsam quam negaverat veritatem
confidenti? Sic Paulus ad Galat. 1. fidem
conciliat suę prædicationis, ex iis qua ges-
serat ante suam conversionem: *Andis
enim conversationem meam in Iudaismo, quo-
niā supra modum persequēbar Ecclesiam
Dei,*

Dei, & expugnabam illam, &c. cùm auem placuit ei qui me segregavit ex utero matris mee, & vocavit per gratiam suam, ut revelaret Filium suum in me, ut Evangelizarem illum in gentibus, continuo non acquererem carni & sanguini. Certè ex utroque nos proficiemus, & fidem nostram stabiliemus: ut autem illud faciamus, utiliter gratiam depositamus à cælo. AVE MARIA.

MYSTERIIS nostris proprium est, inquit S. Joan. Chrysost. ut sicut ea nequimus cogitationibus nostris comprehendere; ita nec eadem nostris sermonibus exhaustire possumus: quemamodum nullus vastam aëris immensitatem consumere potest spirando: ut ait S. Gregor. Naz. quâ de causâ Isaias Christum Dominum θεού παντούς appellat hoc est profundis sermonis & sensus, & in Scripturis sanctis θεού παντούς seu tantam profunditatem agnoscimus, ut quô plura dicuntur, èd plura supersint dicenda. Itaque licet jam plurima de Resurrectione à nobis tractata sint, quia tamen tempus præsens non sinit nos de alia re loqui, & aliundè quæ adhuc dici possunt penè infinita sunt; pauca hīc iterum subjicere mihi mens est, quibus postremò vos alloquor, si me auditis patenter.

Et ut dictis dicenda connectam, duo in præcedentibus Concionibus à me dicta sunt: Primum fuit, ex mysteriis nostris nullum esse quodd plures habuerit probationes; evidencias, ac demonstraciones, quām mysterium Resurrectionis: quod à nobis probatum est. 1. Quia Christus omnem dubitationem removit: 2. Quia omnis generis testimonia dedit, quæ à cœlis & à terra haberi possunt: & præter eiusmodi testimonia, id omnibus etiam signis, & argumentis confirmavit. Testificatus est authoritate ac probationibus. Illam

è S. Scripturis & prædictione sua petivit: *Hæc sunt quæ locutus sum vobis, cùm essem vobis.* Probationes verò, quæ signa dicuntur, sumpsit ex corpore, quod exhibuit, porrexitque tangentum; ex anima, ratiocinando cum illic, eos instruendo ac docendo; ex Divinitate, varijs miraculis in prodigiosa piscium capture, in Ascensione sua mirabili, in missione Spiritus Sancti: 3. Quia & expræteritis & ex præsentibus, sic hominum mentes ad fidem resurrectionis dispositi, ut nemo rationis capax impossibilem hominum resurrectionem judicare potuerit, & consequenter nemo de Christi Resurrectione, ex rei ipsius difficultate, aut impossibilitate, dubitare. Alterum quod à nobis dictum est, hoc est: Id non sine admirabili Dei providentiâ factum fuisse: rationem dedimus. Quia omnis Christiana Religio, huic potissimum mysterio innixa est: Etenim Christiana Religio duo potissimum spectat, cognitionem & opus: hoc est. Quid credere, & Quid agere debeamus: Unum pertinet ad simplicem notitiam, seu ad speculationem, Alterum, ad ens morale: Utrumque autem maximè innititur fidei resurrectionis.

Quæ pertinent ad cognitionem uno verbo persistingo; ea que dico spectare resurrectionem.

1. Quia cùm resurrectio, sit terminus eorum quæ de Christo dicta sunt, ultimum iudicium est eorum quæ ad ipsum spectant, secundum illud: *In fine hominis, denudatio operum illius:*

2. Cùm summa fidei nostræ sit credere Christum fuisse Deum, cùmque ejus divinitas probetur potissimum per ipsius resurrectionem ab ipso factam; relinquitur ipsam esse summam fidei.

3. Quia si ut ait Apostolus 1. ad Cor. 15. Christus non resurrexit, vana est fides vestra, adhuc enim es sis in peccatis vestris. Quia

Bbb & in

& in fide resurrectionis conferebatur bapti-
mus; & ex ceremonia baptismi, non solum
per ipsum, consulti sumus cum Christo,
sed etiam per emersionem ex aquis, resurre-
ctionem exprimimus. ad Rom. 6. *Quicunq;*
baptizati sumus in Christo Iesu, in morte ipsius
baptizati sumus, consulti enim sumus cum
illo per baptismum in mortem, ut quomodo
Christus surrexit a mortuis per gloriam Patris,
ita & nos in novitate vite ambulemus. Si eni m
complanati facti sumus simitudo mortis e-
ius, simul & resurrectio erimus. 1. Coloss.
2. Consulti eti in baptismo, in quo & resurre-
cisti per fidem operationis Dei, qui suscitavit
illum a mortuis. Ex quibus sequitur omnem
fidem nostram inniti fidei resurrectionis, &
consequenter quaecunque spectant cognitionem
in nostra religione, ea omnia spectare
resurrectionem, in qua quae a nobis creden-
da sunt continentur.

Jam idem nobis ostendendum est de
his quae pertinent ad Opus, & Ens Morale:
quod ut clarius, & facilius fiat.

Adverte in Ente Morali tria tantum
spectari posse: Primum est, Finis: Secun-
dum, Media: Tertium, Principia directio-
nis, quae nihil aliud sunt, quam præcepta
quibus ad finem pervenitur. Ratio h. rum
omnium est: Quia sicut in speculativis, pri-
ma principia, eo quod sunt per se nota, sunt
origo totius cognitionis; ita in practicis, finis
habet locum primorum principiorum, quia
est origo omnis motus, hoc est intentionis
seu desiderij efficacis, electionis, & actio-
nis; ut qui semper presupponitur in ente mor-
ali, id primum est. Jam quoniam in practi-
cis, non spectatur finis, tam ut cognoscatur,
quam ut acquiratur; & quoniam per se non
attingitur, nec acquiritur, sed per motum:
cumque aliunde omnis motus fiat per medi-
um hinc sequitur ut, ens morale, non tan-
tum finem complectatur, sed etiam media,

quibus ad finem pervenitur. Verum quo-
niam media non sunt per se bona, sed quatenus
tantum ad finem, qui bonus est, diriguntur:
hinc enim sunt apta media, in qua ap-
titudine consistit eorum bonitas: & quoniam
omnis directio ut constanter fiat, indi-
get arte: nam & si fieri possit ut quis casu lo-
cum sagittam attingat, nemo tamen id potest
constanter facere sine arte: cum autem om-
nis ars constet quibusdam præceptis, &
principijs: illa enim præcepta, aut compo-
nunt artem, aut sunt ejus regulæ: hinc sit, ut
ens morale, tertio complectatur principia di-
rectio, seu præcepta quibus ad finem, &
tenditur, & pervenitur. Itaque bene sequi-
tur quod diximus illud idem ens morale, tri-
bus constare, nempe Fine, Medijs, & Præ-
ceptis: quæ tria, & consequenter omne ens
morale, in fide resurrectionis fundati o-
stendo.

Incipiamus à Fine, quo nomine, illud
intelligo, in quod tenditur, & ad quod cum
quis pervenerit, in eo sistit, ac quiescit: hoc
enim propriæ finem appellamus cum hic
non loquuntur, de fine qui sit finis desti-
onis, sed de eo qui sit finis acquisitionis: alius
quippe est finis (ait Augustinus) perficiens;
alius est interficiens: & hic ut dixi, non eum
finem intelligo, quod res finiuntur, sed quod
absolvuntur; non quod desinunt, sed quod per-
ficiuntur. Ille autem finis, non est aut vita
presentis, aut aliquid quod est in vita præsen-
ti. Etenim in ea non sistitur, sed pergit ul-
terius, juxta illud Apostoli ad Heb. 13. *Non*
enim habemus hic manentem civitatem,
sed futuram inquirimus: Unde cap. 11.
ait veteres Patres. hoc est Abraham, Isaac,
& Jacob, confessos esse, quia peregrini, &
hospites essent super terram. Ad hac ro-
ta hæc vita præsens habet rationem viae:
itaque semper in ea sit progressus, &
nullus

nullus unquam status. Denique cum sit tempus meriti, necesse est ut habeat rationem medij: nam meritum aliud meretur, & ita per illud in aliud tenditur: dicit enim ordinem ad mercedem. Relinquitur itaque ut vita futura habeat rationem finis, unde in ea nulla est mutatio, sed æternitas & immutabilitas.

Cæterum tota vitæ futura consideratio, ad tria capia refertur; ad expectationem postremi Iudicij; ad estimationem Paradisi; & ad Inferni timorem: quæ tria pro fundamento Resurrectionem corporum habent.

Quoad judicium attinget vera est doctrina Tertulliani lib. de Resurrect. carnis cap. 15. Hæc est causa tota, immò necessitas Resurrectionis, congruentissima scilicet Deo, destinatio judicii. Ratio est, quia non alia de causâ fit Resurrectione, nisi ut secundū Apostolum 2. ad Cor. 5. Referat unusquisque propria corporis pro-ut gessit, sive bonum, sive malum: Nam ut ait Tertull. loc. cit. Qualis vixerit, talis debet judicari, quia de eo quod vixerit, habet judicari, vita enim causa est judicii. Cum itaque non sola anima egerit, sed etiam corpus, propterea non sola, vel præmio, vel supplicio afficienda est, sed & illud cum eâ. Tertull. loquens de animâ agente in corpore sic ait cap. 16. Nunquam anima sine carnè est, quandiu in carne. Nihil non cum illâ agit, sine quâ non est: Sed addo de animâ extra corpus, quod licet sine corpore esse possit, semper tamen corpus depositat: non possit autem semper esse in statu violento: unde qui Resurrectionem negat, animam etiam perire, dicat oportet: ista enim sunt connexa; Deum esse, & esse justum; justum esse, & dari judicium; dari judicium, & animam esse immortalem; animam esse immortalem & iterum jungendam corpori; itaque futuram corporum Resur-

rectionem. Ad hæc, sicut quod sit futurum judicium, pertinet ad Dei justitiam; ita etiam quod sit futura Resurrectio; ut nihil maneat, aut sine præmio, aut sine pœnâ debitâ: sapè enim hic corpus patitur pœnam immitam, sapè hic voluptates habet, quas non meretur: itaque alibi hæc inæqualitas compensanda est. Quid dicam quod multi impij gaudeant corpore pulcherrimo, maxime lano, & perfecto. Contrà, multi iusti sine culpâ habent deformè corpus, mutilum, infirmum, debile: oportet igitur ut hæc inæqualitas aliquando tollatur, nimirum in Resurrectione, in quâ, ut ait Apostolus: *Omnes quidem resurgentemus, sed non omnes immutabimur.* Accedit è quod non potest esse judicium, nisi rei sistantur Iudici: cum ergo, huic judicio, Christus præsideat, in quantum homo, & ut homo faciat judicium sensibile; oportebit, ut rei sistantur sensibiliter ante Iudicem; quod non potest fieri, nisi per Resurrectionem.

Iam quod pertinet ad Beatitudinem quæ propriè finis est noster, quotusquisque est, qui cum audierit in solâ visione Dei esse positam, uti revera est, eam laetis & estimet; pauci enim existimant se beatos futuros esse videntes. Sed ubi quis audierit quod dixit Apostolus 1. ad Cor. 15. *Alia claritas Solis, alia claritas Lunc, & alia claritas stellarum: stella enim differt à stella in claritate, sic & resurrectione mortuorum.* Seminatur in corruptione, surget in incorruptione. Seminatur in ignobilitate, surget in gloria. Seminatur in infirmitate, surget in virtute. Seminatur corpus animalē, surget corpus spirituale: Et illud Apocal. 21. *Et absterget Deus omnem lachrymam ab oculis eorum, & mors ultra non erit, neque lucus, neque clamor, neque dolor erit ultra, quia prima abierunt: ubi, inquam, quis hæc audierit, statim totus animo incalescit;*

lescit; neque ullus est qui beatitudinem votis omnibus non expectat. Hæc autem omnia, neque esse, neque expectari possunt, si non sit Resurrectione. Ad hæc, licet inchoata beatitudo, sit in anima, etiam ante Resurrectionem, nondum tamen est consummata, nisi corpore glorificato, quod fit per Resurrectionem, secundum illud Apostoli ad Hebr. 11. *Deo pro nobis melius aliquid providente, ut sine nobis consummarentur.*

Denique dixi etiam fundari in Resurrectione estimationem aeternitatis in peccatis, & futurae vitae timorem. Nam cum homines in hac vita non satis estimant peccatum danni, & privationem beatitudinis essentialis, cumque ob stupiditatem non satis estimant animorum cruciatum, qui tamen sunt omnium maximi: certè plurimum terrentur supplicijs corporeis, fame, siti, carcere, tenebris, vinculis, igne cruciante, clamoribus, terroribus, & alijs; quantum per Resurrectionem corporum debent existere. Quis enim non exhorrescat, si cogiter ferendos sibi ignes aeternos in omnibus partibus internis, & externis sui corporis; in oculis, in tota carne, in nervis, in visceribus; idque, sine requie, die, ac nocte, idque, totam aeternitatem; cum tamen non licet minimam corporis partem movere. Multi sunt qui percipere non possunt modum quo anima in flammis possunt torqueri: Sed nemo est ita stupidus, qui non facile intelligat corpora cruciati in flammis: Ita Gregor. Nyssen. docuit historiam divitis Eupoloni respicere tempus Resurrectionis, quando sicut vera erit lingua, vera sitis, & verum corpus, ita & verum erit incendium, & verus dolor, *quia crux in hac flamma.* Itaque ex Resurrectione, vere estimari potest qualitas, & duratio aeternitatis: Et sicut pueri metu castigationis, sese a malis cohibent, & ad studia se promovent; ita strenuum potentissi-

mum quo se homines retinent, atque inhibent est cogitatio aeternorum suppliciorum, quorum fides in Resurrectione fundatur. Quis enim tantis supplicijs brevem ac volucrem voluptatem emere velit? Quis se tantis doloribus ob rem adeò contemptibilem exponere?

E contrario vero ex negatione Resurrectionis, sequitur negatio alterius vita, & conclusio quam ex tali antecedente deducunt impij: teste Apostolo 1. ad Cor. 15. *Si mortui non resurgent, manducemus, & bibamus, cras enim moriemur.* Si enim post hanc vitam nihil supereft, quid deinceps sperare possumus, cum ista præterierint; Eodem pertinet quod dixit Apostolus eodem capite, *Si in hac tantum vita sperantes essemus, certè miserabiliores essemus omnibus hominibus,* quia bonis omnibus privaremur, & in hac vita, & in altera, unde constat, cum futurorum tantum sit spes, omnem spem considerare ex negatione Resurrectionis: adeò verum est quo dixi omne futurum in eo fundari. Et hoc de fine dicta sufficiant. Iam sequitur ut agamus de Medijs.

Adverte in rebus Physicis, & naturalibus, aliter finem acquiri, quam in moralibus: in illis enim immediate acquiritur per media: in moralibus autem ferè semper ab aliò datur, ut physicè possideatur; & possidente, seu ab accipiente acquiritur moraliter, scilicet merendo, & movendo alium, ut physicè donet: Quare cum agamus de ente morali, cuius finis est beatitudo, certè media quibus ad illam perducimur, sunt merita, & consequenter virtutes quas in fide Resurrectionis præcipue fundari assero: Et ex hac doctrinâ nascitur sequens.

II. Propositio: Fides Resurrectionis fundamentum est omnis virtutis, sicut ejus negatio, omnis malitia, & iniquitati origo.

Ad hoc sufficeret dicere fidem Resurrectionis fuisse in omnibus Justis, negationem in Impiis. Cum enim Dei cognitione naturaliter ex rebus creatis acquiri possit, atque ita Dei confessio, & bonis & malis esset communis, sola Resurrectionis fides mansit apud Justos, quod docet S. Paulus in illâ fideliū enumeratione ad Heb. 11. ubi docet fidem Sanctorum, potissimum eniūtis in credendâ & sperandâ Resurrectione: quod et si retulimus auper, id iterum placet hic adducere: Exemplum enim habes in Abele qui de alterâ vitâ dissensionem habuit cum Caino: unde Deo optimâ quæque obtulit, ostendens se aliquid melius sperare, quam quod habebat in vitâ præsente, cum se rebus melioribus privaret, per sacrificium. Ita Enoch sublatus est vivus, ut esset exemplum vitae semper duraturæ. Noë salvus factus est sperans post mundi abolitionem, ejusdem restitutionem. Qualis Abraham in fide Resurrectionis qui in eâ spe non dubitavit manus inferre filio? Arbitraris ait Paulus, quia & à mortuis suscitare potens est Deus: De Josepho (ait Apostolus) fide Ioseph moriens de profecitione filiorum Israël memoratus est, & de ossibus suis mandavit, non quod curaret de sepulchro, quod in Ægypto magnificentissimum habere poterat, testes sunt pyramides Ægypti, sed propter fidem Resurrectionis. De Moysi scriptum est, cum cæteri ex Ægypto auferrent vas aurea & argentea, & variam suppelle etiam, ipsum secum tantummodo tulisse osla Joseph: certè ob solam fidem resurrectionis; quid enim alioquitanti faceret ossa Justi? Quid de Prophetis loquar, quid de loco ubi sepelirentur, curaverunt? Quid de ossibus Elisei, quæ post mortem prophetaverunt? Quid de sanctis Regibus, ac

Ducibus populi? Quid de fortissimis Machabæis? Quid de septem fratribus, qui in suis certaminibus, solâ spe resurrectionis, se animarunt, vitamque suam, & sui corporis membra neglexerunt? Audi secundum: Tu quidem sc̄elestissime, in præsenti vitâ nos perdis, sed Rex mundi defunctoros, præsis legibus, in aeterna vita resurrectione suscabit. Audi 3. qui iussus dare lingua & manus, ut amputarentur: E cælo, inquit, ista posse video, sed propter Dei leges, nunc hac ipsa desperisco quoniam ab ipso me ea recepturum spero. Et quid aliud Quartus: potius est, ait, ab hominibus morti datus, spem expectare à Deo, item ab ipsis resuscitandos. Impii vero tam Ethnici, quam hæretici, & prophani sapientes passim resurrectioni derixerunt existimantes hominem secundum se totum perire: & ideò illi apud Salomonem, non est reversio finis nostri, quoniam consignata est. Sicque patet ex eventu, fidem resurrectionis sequi virtutem, & contra, resurrectionis negationem, omnis malitia & iniquitatis esse originem. Sed idem ratione probemus.

Cum ex virtutibus aliæ sint Theologicæ, aliæ Morales; Theologicæ certè ex fide resurrectionis perficiuntur. Fides quidē, Quia si Christus non resurrexit vana est fides vestra. Ad hæc: Quia in Christi resurrectione instaurantur omnia fidei nostræ mysteria. Spes autem quia consummatam beatitudinē respicit, enī consummatio est resurrectione. Charitas denique; Quia resurrectione, objectum nobis exhibet spirituale, & immortale: unde Apostolus, 2. ad Cor. 5. Et si cognovimus secundum carnem Christum sed nunc jam non vivimus: ne m̄pe mortalem, neq; infirmitatibus nostris obnoxium: unde mysteria resurrectionis pertinent ad vitā unitivā; nec non nisi latitiā, gaudium, & admirationē continent-

Jam virtutes morales ferè spectant aut corpus, aut res externas, quæ sunt corporeæ: Justitia bona externa; Temperantia corporis voluptates; Fortitudo corporis incommoda, mortem, tormenta, dolores, & cætra ejusmodi. Ut igitur vel bona spectari possunt, vel mala; ita quæcunque peccantur, vel ex cupiditate, vel ex timore ortum habent: est enim bonorum, uti putantur, cupiditas, & est malorum, uti creduntur, timor: Sed utrumque sensum, fides Resurrectionis moderatur, ac regit.

Etenim 1. in resurrectionis expectatione fundatur neglectus vitæ præsentis, divitiam, dignitatum, honoris: nam qui majora expectat, facilè minora negligit, nec est qui se temporaliter velit esse beatum, cum possit sempiternè: nec facile parvo contentus est, qui magna possidere potest: itaque nec fugacia, nec fucata, nec vilia consistatur, qui potest habere stabilia, vera, & maxima. Hunc animi sensum, vide in exemplo prorsus admirabili, quod nobis S. Paulus proposuit ad Hebr. 11. *Fide Moyses grandis factus, negavit se esse filium filia Pharaonis:* Historiam narrat Philo Judæus: Pharaoni unicam fuisse filiam, Thermut nomine, quæ diu nupta, cum filii careret, cumque in Nili fluvio puellum Moysem in fiscellâ positum invenisset, eleganti forma præditum; arte muliebri se gravidam esse finxit, & hunc ut filium suum supposuit, quem postea ut regni hæredem, in curiam introduxit. Alii dicunt sic inventum adoptasse in filium, cum liberis careret: quem ut ait S. Stephanus in Actis, eruditivit in omni genere scientiarum. Sed Moyses cum per revelationem didicisset, se esse filium hominis Hebræi: *Negavit se esse filium filia Pharaonis:* Significanter dixit, negavit, ait S. Chrysost. hoc est, odit, aversatus est: *Magis eligens affigi cum populo Dei:* quam

temporalis peccati habere jucunditatem: Textus Græcus ostendit legendum, quām temporalem peccati habere jucunditatem: Peccatum vocat, ait Chrysost. non affigi cum aliis: Theodoreetus, cum malis habere conseruidinem: Existimo, vocasse peccatum, ipsum regnum, quia difficile est in tantis deliciis, & in tantâ potestate esse innocentem. Vide itaque mirabilem animum Moses: non tantum comparavit regnum, quod vocat temporalem peccati jucunditatem, cum cœlo, sed cum ipsâ afflictione, quam prætulit: unde subdit, *Majores astimans divitias, thesauro Ægyptiorum improperum Christi:* Nam propter Christum probris affici, melius existimavit, quām esse in quiete, & in remissione: Etenim Christum, ut alii Prophetæ, vidit à longè, & ipsi conformari, melius duxit, quam regnare. Vide autem, quid ejus animum sustentavit, *Affici bat enim in remunerationem:* cœlo enim proposito, ut ait Chrysost. erat super vacaneum admirari regiam Ægypti. Porro remuneratio consummatur resurrectione; ad cuius intuitum, facilè omnia temporalia despiciuntur. Nam ut præteream, quæcunque illa sint, vix fieri posse ut sine peccato possideantur, certè illud negari non potest, hanc qualemcunque jucunditatem esse temporalem. Ita decus Angliae Thomas Morus, cum in carcere à conjugé Aleyria sollicitaretur, ut Regi Henrico VIII. pareret, quedam in ista præcipiente, quod magis honoribus, si consentiret, esset afficiendus; postquam ab illaque respondisset, viginti: tum subjecit, illam pessimam esse mercatricem, quæ tam exigui temporis spatium, æternitati præferret. Certè si dixit S. Hieronimus, illum facile contemnere omnia, qui se cogitat moriturum, multò magis qui se resurrectum cogitat ad beatitudinem.

Econ-

E contrario verò ex negatione resurrectionis sequitur magna hujus vitæ aestimatio: Etenim filii hujus sæculi, & qui loquitur Jobus, habitant domos luteas, & terrenum habent fundatum: cùm nihil aliud sperent quām quod habent in seculo, nihilque melius existiment, quam quod in terris, eminente vident: ideo illa vehementer concupiscunt, & omnibus modis procurant, utque ea emant quantumvis caduca, malunt res omnes alias amittere, fidem, virtutem, honestatem, &c. Nempe ut prophanus Esaii nihil estimavit jus primogenitū, ut haberet offam lentis; ita illi jus ad gloriam facile amittunt, ut bonis istis suuantur. Eligunt enim potius hæc quæ vident, possidere; quām alia quæ putant incerta, & dubia, conjectari. Vide utrumque sensum in multis hominibus hujus sæculi; quorum alii, omnia relinquunt, ut paupertatem Christi sequantur: alii verò conscientiæ, fidei, & virtutibus vale dicunt, ut habeant bona externa. Scilicet quia illi pertinent ad futurum sæculum, & credunt resurrectionem: alii verò pertinent ad hoc sæculum, & filii hujus sæculi, nullam expectant redemptionem, nec beatam spem, nec adventum Domini nostri Jesu Christi. Alioqui alterum è diobus evenire necesse est, vel ut admodum, stupidi sint, ut Christianam resurrectionem non sperent, cùm hujus sæculi rebus ita sint affixi, quasi nihil in alterâ vitâ sperarent: vel si sperent, liberalissimè insaniant, & usque ad furorem, ut cùm aliam vitam credant, eamque æternam, nullam tamen de ipsâ curam habeant. Audi qualiter Deus unum exillis increperet Lucæ 12. *Stulte, hac nocte animam tuam repetunt à te: quæ autem parasticij erunt?* Sibit hec sazat, & non est in Deum dives: Certè majorem stultitiam ego non novi, quam in re tam certâ, & tanti momenti cæcutire: Et quod majori admiratione me afficit, illud est, quod ejus-

modi stultitiae reprehensio in eos cadat, qui in hoc sæculo videntur esse prudentissimi, & oculatissimi, quibus id exprobrat Baruch cap. 3. *Fili quoque Agar, qui exquirunt prudentiam, qua de terra est, negotiatores terræ, & Theman, & fabulatores, & exquisitores intelligentia, viam autem sapientia nescierunt, neque commemorati sunt semitas ejus:* & id videmus quotidianâ experientiâ.

2. In resurrectionis expectatione fundatur neglectus corporis, quoad pulchritudinem, & cultum, quoad victimum, & voluptates: Nam fides resurrectionis duplē corporis statum nos docet, unum præsentem, alterum futurum: unum in quō est maximum corporis decus, & abjectio; alterum in quō futurum est summum corporis decus, secundum illud Apostoli ad 1. Cor. 15. *Seminatur enim in corruptione, surget in incorruptionem. Seminatur in ignobilitate, surget in gloria. Seminatur in infirmitate, surget in virtute. Seminatur corpus animale, surget corpus spiritualis:* in quibus verbis optimè duplex ostenditur corporis status: in primo enim statu ostenditur 1. corruptio corporis: vide qualis sit in vita, & postea qualis in morte: 2. notatur ejus ignobilitas & abjectio, ratione materiae, & originis: 3. Infirmitas: quantis enim rebus indigeret; ad hæc quantis malis est obnoxium; & quām parùm resistit, cùm ferè semper succumbat: 4. Cùm dicitur animale, significatur, nobis esse communem cum belluis, & ratione sensuum ferè esse illis inferius: porro tota vita corporis est sensus. In altero vero statu corporis, nempe in resurrectione hæc reperiuntur: 1. Incorruptio, nempe impassibilitas, & immortalitas: 2. Gloria propter lumen, perspicuitatem, & pulchritudinem: vide quanta sit astrorum pulchritudo, & claritas: *Stella enim differt à stella in claritate, sic & resurrectione mortuorum.* 2. Virtus, quæ in eo consistit,

sistit, quod corpus in resurrectione, nullā re indiget, omnibus rebus resistat, ferro, igni, aquis, corporibus duris, temporī, ætati, durationi: 4. Quod spirituale vocetur, non secundūm substantiam, sed secundūm qualitates, habebit enim proprias Spirituum, secundūm modum existendi, & modum operandi, seū se movendi per agilitatem; & perfectè sequetur motum animæ, sine ullo impedimento: ad hæc, erit sine limitatione locorum, temporis, & actionis. Verum his duobus statibus positis quos fides Resurrectionis subjicit, docet etiam consequenter præsentem esse negligendum, & futurum summò studiò querendum.

1. Enim quanam est hujus status corporis pulchritudo, quam inanis, quam brevis, quam fragilis & imperfecta, quam tibi & aliis periculosa? & quam in altera vitâ vindicatur si malus ejus usus fuerit? Sed cogita pulchritudinem corporum post Resurrectionem, quam sit, cuius splendoris, cuius firmatis. Hinc quam multæ formosæ suam pulchritudinem non modò neglexerunt, sed etiam detriverunt, & modis omnibus vexarunt, ut futuram illam augerent?

2. Quam incongruè laboras in hoc ornando corpore, quod uti nunc est, sentina putredinis existit, quod S. Greg. Nyss. appellat *is nūc ēp̄yās n̄p̄ov* terti odoris officinam, Bernard. saccum stercorum, vermium cibum, cuius te magis pudere debeat, quam de eo gloriaris?

3. Quid ejus voluptates, & deliciae quæsuntur, si cogites moriturum aliquando corpus, si cogites arsurum in flammis, & intolerandis suppliciis præteritas delicias compensaturum? Cogita divitem Epulonem, propter byssum, & purpuram, sepultum in

inferno; propter epulas quotidianas sui excruciatum. Quid igitur tuo corpori bene esse vis isto tempore, male autem totam aeternitatem? Quid si nunc pati non potes minimum incommode, quomodo pati poteris totam aeternitatem? Hac cogitatio effecit, ut multi Martyres sua corpora objecerint ferro, ignibus, tormentis, secundūm illud Apost. ad Hebr. 11. *Alii autem deflenti sunt, non suscipientes Redemptionem, ut meliorem invenirent resurrectionem:* nempe qui alios suscitarant, ipsi maluerunt decedere, ut meliorem aspergerentur Redemtionem, non tam, quam pueri mulierum: *Alii verò ludibria & verba experti, in super & vincula & carcerae: lapidati sunt, scilicet sunt, tentati sunt, in occidente gladii mortui sunt: circuierunt in melotis, in pellibus capnis, egentes, angustiati, afflicti.* Ac ne putas hic eos mercede accepisse, subdit: *Quibus dignus non erat mundus:* Quid igitur vis eos hic accipere pro mercede, si hic nihil illis dignum est? *Quod si nec totus mundus illis est dignus, quid si partem dederis?* Mundum dicit, aur hominum multitudinem, aut ipsam creaturam visibilem; & utrumque significat: itaque si universa creatura, cum omnibus hominibus poneretur, eorum pretium nondum æquaret. Idem effecit, ut multi Confessores perpetuis & gravibus poenitentiis se cruciarint, ut multæ Virgines delicate suis corporibus, & sanguini non perciperint. Eadem de causa multæ non modò illicitas delicias respuerunt, sed etiam licitas & permissas, ut corporis resurrecti deliciis fruerentur. Vide quid scriperit Hieronymus ad Furiam, ut secundas nuptias ei dissuaderet: *Cogita quotidie te moriturum, & nunquam de secundis nuptiis cogitabis.* Ita tibi dico: quotidie cogita futuram corporum resurrectionem & facile præsentem corporis statum & delicias contemnes.

E cor-

E contrario verò ex negatione resurrectionis nascitur insanus amor voluptatum, & carnis. Rationem afferit Tertull. lib. de resurrectione carnis, cap. 11. Nemo tām carnaliter vivit, quām qui negant carnis Resurrectionem: negantes enim ejus pœnam, despiciunt disciplinam. Hinc insanæ multorum libidines, plus quām jumentorum; quia præter effrænes carnis motus, sunt etiam motus animi, cuius vincula rumpit infidelitas. Sed qui cogitant Resurrectionem, qui flamas illas ultrices, qui flammam globos sibi repræsentant, facile vincunt doctorem voluptate, delicias supplicijs, ignem igni, & flammam flammam beneficio fidei Resurrectionis. Et hac de medij.

Supereft ut tertio loco de principijs dicamus entis moralis, qua sunt pronunciata quādam, & effata, qua Græci ἀγνωστα, Latini dignitatis appellaverunt, qua uti in speculativis, ita etiam in moralibus debent esse æternæ veritatis. Illa autem sunt qua respiciunt æternam vitam, qua nulla est, nisi fuerit Resurrecō; ille enim status solus æternus est. Ratio hujus rei est, quia principia debent esse infallibilia: ejusmodi autem sunt ea tantum qua sunt æternæ veritatis: alioqui non semper sunt vera; itaque sunt fallibilia: nam qua semper sunt vera, semper sunt; qua semper sunt æterna, nam æternitas omne tempus respicit. Illa autem pronunciata edidit Christus in Evangelio, & secundum illa Sancti vixerunt: Ejusmodi sunt: *Quid prodest homini etiam si universum mundum lucretur, anima vero sua detrimentum patiatur: aut quam dabis homo commutacionem pro anima sua:* Item, *Regnum calorum vim patitur, & violenti rapiunt illud.* Item, *Non facio animam meam preiosoreme quam me.* Item, *omnia quecumque vulnus ut faciant vobis homines, & vos faciē illis: hoc est enim*

lex, & Propheta. Intrate per angustam portam, quia lata porta, & spatioſa via est quæ ducit ad perditionem, & multi sunt qui intrant per eam. Quām angusta porta, & arcta via est quæ ducit ad vitam, & pauci sunt qui inventiunt eam. Itam, Beati pauperes spiritu, quoniam ipsorum est regnum calorum: Beati mites, beati qui lugenti, & reliqua qua continentur. 6. & 7. cap. Matthæi, & lexcenta ejusmodi, quibus continetur doctrina moralis Christi Domini, qua vitæ nostræ regula esse debet. Cetera omnia intra tempus sunt, & pereunt cum vita; sed ejus doctrina respicit æternitatem: cetera aliquando vera esse possunt, aliquando tamen & sèpissimè falsa; qua autem ab ipso sunt, semper habent veritatem. Itaque in illis solūm hærcere debemus 2. ad Cor. 4. *Non contemplabitur nobis qua videntur, sed qua non videntur, qua enim videntur, temporalia sunt, qua autem non videntur, eterna.*

Ex hoc tuto discursu quid conclusio-
nis deducere debemus, nisi quod totus ille
discursus probavit, quodque nos docet fi-
des Resurrectionis? Nempe nihil fieri de-
bere magni præter alteram vitam: cetera
contemnda, aut saltem non magni facien-
da. Et gaudeo rem ita tulisse, ut in eâ co-
gitatione, & propositione Conciones mihi
finienda sint. Quid enim vobis certius,
quid sanctius, quid utilius, quid perennius,
quid solidius relinquere possum cā cogitati-
one, quam neque temporis diuturnitas, ne-
que varietas negotiorum, neque voluptu-
tum titillatio, neque errorum deceptio
possunt tellere? Non enim hic habemus ma-
nentem civitatem, sed futuram, inquirimus.
Quid igitur in hæc vita tantum operæ & la-
boris, collocas; ac nihil de alæta vita cogitas.
Quid tantu laboras ut bene tibi sit in momē-
to non autem in æternitate? Quid non
agis, ut nihil patiaris in hæc vita? Cur
non

non magis, ne in æternitate? Non intelligis h̄c fieri sementem, in alterā messem? Ad Galat. 6. *Quæ enim seminaverit homo, hec & metet: quoniam qui seminat in carne suā, de carne & metet corruptionem: qui autem seminat in spiritu, de spiritu metet vitam æternam: bonum autem facientes, non deficiamus: tempore enim suo metemus non deficiente: ergo dum tempus habemus, operemur bonum.* Denique ea cogitatio ad omnia nobis inservire potest, ad virtia deferenda, ad pœnitentiam, ad labores ferendos, ad magna aggredienda, ad contemptum rerum præsentium: ad futurorum desiderium, ad judicandum de operibus, de desideriis, de iis quæ propoununtur, & quæ occurunt. Præsupponendum itaque est finis, Volo salvare, quâ de re nemo vel ambigere, vel deliberare debet, cùm id sit necessarium. Tùm in mediis quæ se se offerunt; (illa autem omnia sunt, quæ in vitâ possunt occurtere,) videndum an sint compessibilia, cum salute, nec ne: nam si non sint, hoc ipso refecanda sunt, quæcumque tandem sint; & si chara sint, etiam si

utilia; licet etiam tibi necessaria videantur: nam illis omnino carendum. Neque hoc satis, sed videndum an conducant & conseruant ad salutem: ut scias non tantum mala, sed etiam inutilia esse refecanda. Neque etiam hoc satis, sed videndum quæ magis conducant: nam semper meliorum est elec̄tio. Item in iis quæ vel pateris in aliis, vel dissimulas, vel quæ alterius gratiâ facis, vel imperio; videndum ne sint incompossibilia cum salute: alioqui nullô modô ferenda sunt, nec dissimulanda. In illis autem quæ sponte suscipis, præsertim si sunt alicujus momenti; vide si conducant ad salutem: alioqui melius cessandum est, quicquid tandem emolumenti inde sperare possis. Denique quoniam homini generoso, semper agendum est ex certis sublimibusque consiliis, ne agaris sensu determinato, & ex occasione particulari, sed ex alto & universalí principio: vide ut sint illa æternae veritatis: illatenim sola ad æternitatem conducunt, quam tu solam spectare debes.

Amen.

TOMI TERTII ET ULTIMI FINIS.



INDEX